



SLUŽBENI GLASNIK OPĆINE ŽIVINICE

GODINA XLX

21. JANUAR 2014. GODINE

BROJ 1

Bosna i Hercegovina
Federacija Bosne i Hercegovine
Tuzlanski kanton
Općina Živinice
Općinski načelnik
Broj:01/2-05-89-1661/13
Živinice: 23.12.2013.godine

Na osnovu člana 16., 62., 63. stav 2. i 3., i 65. Zakona o zaštiti od požara i vatrogastvu ("Službene novine F BiH", broj:64/09), člana 38. Statuta općine Živinice ("Službeni glasnik općine Živinice", broj:4/12), i Odluke Općinskog vijeća broj: 10-05-2611 od 15.05.2013.godine, Općinski načelnik **d o n o s i**

ODLUKU **o osnivanju vatrogasne jedinice općine Živinice**

Član 1.

Osniva se profesionalna vatrogasna jedinica za gašenje požara i spašavanja ljudi i materijalnih dobara ugroženih požarom na području općine Živinice.

Član 2.

Profesionalna vatrogasna jedinica se osniva kao zajednička vatrogasna jedinica općine Živinice i ZD RMU "Đurđevik" u Đurđeviku.

Zajednička profesionalna vatrogasna jedinica općine Živinice i ZD RMU "Đurđevik" u Đurđeviku osniva se zaključivanjem sporazuma, koji zaključuju Općinski načelnik i direktor ZD RMU "Đurđevik" d.o.o. u Đurđeviku.

Član 3.

U sporazumu će se utvrditi međusobne obaveze Općine i pravnog lica, način popune jedinice ljudstvom, opremom i tehničkim sredstvima, način upotrebe jedinice u vatrogasnim intervencijama, komandovanje jedinicom, organizacija informacijsko komunikacijske podrške i veze, način finansiranja jedinice i sva druga pitanja važna za organizaciju i funkcionisanje zajedničke profesionalne vatrogasne jedinice na području općine.

Član 4.

Profesionalna vatrogasna jedinica vrši slijedeće operativne i druge poslove:

- gasi požar i spašava ljude i materijalna dobra ugrožena požarom i eksplozijom na otvorenom prostoru, šumske požare, požare na građevinama i materijalnim dobrima svih vlasnika i korisnika gdje se god požar pojavi
- pruža tehničku pomoć u spašavanju ljudi u nesrećama izazvanim u saobraćaju (cestovni, željeznički, avio, jezerski i riječni), poplavama, spašavanju sa visina i drugim akcidentnim situacijama i nesrećama u kojima vatrogasna jedinica može pomoći u spašavanju ugroženih ljudi i materijalnih dobara;
- učestvuje u provođenju preventivnih mjera zaštite od požara i eksplozija koje se odrede u planu zaštite od požara općine, a koje može provoditi profesionalna vatrogasna jedinica;
- pruža odgovarajuću pomoć u spašavanju ljudi i materijalnih dobara kod postojanja stanja prirodne i druge nesreće.

Član 5.

Ova Odluka stupa na snagu danom donošenja, a objavit će se u "Službenom glasniku općine Živinice".

OPĆINSKI NAČELNIK

mr. .sci. Hasan Muratović, s.r

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ŽIVINICE
- OPĆINSKI NAČELNIK –**

**Broj : 01/2-05-89-2/14
Živinice, 06.01.2014.god.**

Na osnovu člana 38. i 119. Statuta općine Živinice („ Službeni glasnik općine Živinice „ broj 4/12), , Općinski načelnik d o n o s i

**O D L U K U
o provođenju Javne rasprave o Nacrtu Budžeta općine Živinice za 2014. godinu**

I

Ovom Odlukom uređuje se: planiranje i priprema javnih rasprava, provođenje i izvođenje javnih rasprava, korištenje prikupljenih informacija i zatvaranje komunikacionog ciklusa javnih rasprava.

II

Javna rasprava o Nacrtu budžeta općine Živinice za 2014 godinu počinje 20.01.2014.godine i završava 24.01.2014. godine.

III

Za provođenje javne rasprave formira se Tim za javnu raspravu.
Općinski načelnik će posebnim Rješenjem imenovati Tim za javnu raspravu.

IV

Tim za javnu raspravu će izraditi Akcioni plan u kome će definisati sljedeće :

- planiranje i priprema, medijska kampanja, raspored javnih rasprava i aktivnosti po završenim javnim raspravama.

U akcionom planu obavezno predvidjeti aktivnosti, odgovorne osobe, učesnike, vremenski rok i mjesto održavanja.

V

Za realizaciju javnih rasprava, odgovoran je Tim za javne rasprave .

VI

Ova Odluka stupa na snagu danom donošenja , a objavit će se u Službenom glasniku općine Živinice.

DK

DOSTAVLJENO:

- 1. Službi za budžet i finansije**
- 2. Članovima Stručnog tima**
- 3. a/a**

OPĆINSKI NAČELNIK

mr.sci. Hasan Muratović,s.r.

**„Službeni glasnik Općine Živinice“
broj: 1/2014**

SADRŽAJ

I – AKTI OPĆINSKOG NAČELNIKA

1. Odluka o osnivanju vatrogasne jedinice općine Živinice.....1
2. Odluka o provođenju Javne rasprave o Nacrtu Budžeta općine Živinice za 2014. godinu.....3

«Službeni glasnik Općine Živinice» uređuje: Stručna Služba općinskog vijeća Živinice
Odgovorni urednik i lektori: Suad Avdagić, Nermina Mahmutbegović i Mersiha Zahirović
Tehnička priprema i štampa: Služba za opću upravu i društvene djelatnosti
Kontakt informacije: 035/743-394, ovijece@opcinazivinice.org
